



UKA 2017/97
Nuuk, 02.10.2017
Iddimangiiu Bianco

Uunga siunnersuut: Inatsisartut Naatsorsueqqissaartarfik pillugu inatsisaanni inatsimmik allannguiq nr. xx xx. xxx 2017-imeersoq
(Aningaasaqarnermut Akileraartarmermullu Naalakkersuisoq)

Siuller-
mik oqaatigerusunnarpoq Inuit Ataqatigiinni isumaqaratta aammalu isumaqart
uaannarsimalluta sumiluunniit siulersuisut Naalakkersuisunit inuttaler-
sorneqartartut sulinerminni politikkikkut akuleruffigineqaratik inissisimasassa-
sut. Tamanna siulersuisut sulinerminni tutsuiginassusaannik nukittorsaasuvoq
illersorneqartariaqarlunilu.

Inuit Ataqatigiinniit isumaqataalluinnarpugut Naatsorsueqqissaartarfimmi siu-
lersuisuniissagaanni allaniluunniit siulersuisuusut nunatsinni inissisimasuniissa-
gaanni nunatsinnut soqutigisaqarnissaat ilisimasaqarluarnissaat pisariaqarluin-
nartuusooq

Taamaakkaluartoq uani allannguutaasussami eqqartorneqartoq kaammatt-
tuutaanerusinnaanera siulersuisunut ilaasortangorniarsinnaaneq orniginarne-
rulerluni eqqartorneqarnissaa pingaarsorinarpoq. Aammattaaq suliffeqarfinni
allani siulersuisut akissarsiatigut Naalakkersuisuni allannguiffigineqarniarnersut
misissornissaa pingaaruteqarpoq.

Taamaammat ataatsimiitsitaliamut attuumassusilimmut ingerlateqqinnissaa
kaammattuutigissavarput.